

առ տէֆտէրտարն վասն փրկելոյ վարդապետին (Գաբրիէլ), և նա ասէ թէ Հարցանեմ առ վէզիրն և ապա փրկեմ: Ի գիշերիս, որ Կիրակի լուսանայր, յանուանի սահմանս քաղաքիս մի մարդ ձգեալ՝ սպանելով զլիսատեալ:

Կիրակի Ը-իս ի մօտ Գաբրիէլ վարդապետն գնացի: Եւ երեկոյիս բացաւ օրն մինչ ի կէս գիշերս և առաւօտուս կրկին ցուրտ եղև, որպէս յառաջին օրերքն: Վաստէն թուղթն եկ Կիրակիս, և օրս հանեցին զվարդապետն ի բանտէն:

Գշիս (10 Մարտ) վէզիրն ամենայն մեծամեծօքն զՎալիտէ խանն փակեաց և եմուտ ի ներս որոնել եւ թէ գտցէ ըստակ զալպ:

Գշիս (11 Մարտ) զթղթերն մօհրեցին գեղից հասկի Զատիկիս, և զՈհան պարոնտիրին ևս:

Եշի օրս (12 Մարտ) զալպական հայ մի զալաթացի կախեցին ի Պարմաղափուն: Երեկոյիս զգեղին խապարն առաք՝ թէ մահ գոյ: Եւ առուրքս զՍտեփանոսն ուղարկեցին յերուսաղէմ:

Զշի (13 Մարտ) մեր գրացի Փափազօղլին մեռաւ:

Կիրակի (15 Մարտ):

Բշի (16 Մարտ) կրկին Հոռոմքն մտեալ ի վէզիրն վասն երուսաղէմայ թէ Ահա՛ Հայք գնացեալ անդ՝ առեալ են. և կրկին վէզիրն հրամայէ թէ էմր գրեսցեն թէ լիցի Հոռոմոց:

Շաբաթս (21 Մարտ) ի մէջ տիւանին յամեցին և մուշավէբէ առնէին վասն Հոռոմի թղթին. և վէզիրն մտեալ ի թագաւորն թախիս առնել, եւ թագաւորն մեծաւ սաստմամբ ասէ թէ Ազգաւ ջնջեսցի: Եւ յետ տիւանին վէզիրն ձայնեալ զպատրիզն Հոռոմոց քաղաքին, և հարցեալ ընդ նա թէ Կնիքս քո՞յ է. և նա ասացեալ թէ Իմ է. և ապա բացեալ զթուղթն թէ Այս ի՞նչ խալինութիւն է զոր առեալ ես: Քանզի սա